



e-bilten

OPĆINA TEŠANJ
www.opcina-tesanj.ba
e-mail: optesanj@bih.net.ba

Ponedjeljak 15.11.2010

Broj 43

Aktuelnosti

1. Projekti u ladicama
2. Dimnjak tunelske peći, Jelah

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu:

fuad.sisic@opcina-tesanj.ba

Molimo vas da ovaj elektronski bilten prosljedite svim zainteresiranim u našoj općini.

Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.

Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!



Projekti u ladicama!?

Voditelj Dnevnika 2, FTV, 07.11.2010:

Više infrastrukturnih projekata u opštini Tešanj, u vrijednosti dvjesto tisuća maraka, nalaze se u nečijim ladicama. Neke političke stranke se ne mogu dogovoriti o raspodjeli sredstava koje je odavno odobrila Vlada ZDK. Stanovnici najavljuju okupljanje pred zgradom Opštine i apeliraju na vlast da omogući gradnju puteva koje im život znače.

Novinar: Put Novo naselje, Križanovići u Medakovu nikad nije napravljen iako je novac za to odobren još u junu.

Građanin: Nije mi jasno da dođu pare a da neko neće da ih utroši.

Novinar: U Mrkotiću su zbog ovog problema najavili protest ispred Općine.

Građanin: od šestog mjeseca, novci leže, tenderi nisu raspisani i ljudi su i nama rekli da će oni doći ako trebadne pred Opštinu

Novinar: Opštinarci se pravdaju da ne opstruiraju realizaciju nijednog projekta:

Načelnik: Za nas je to proceduralna stvar, i mi servisiramo Ministastvo prometa i komunikacija u Vladi ZDK, odnosno Direkciju cesta Kantonalnu, po njihovoj instrukciji Opština Tešanj je dostavila prijedloge projekata. Po zaključku Vlade mi smo proveli prvi dio javne nabavke, odnosno javnu proceduru, čekamo potpisivanje ugovora od strane Direkcije cesta, nakon toga nastavljamo dalje.

Novinar: Nije tajna da se u sve umiješala politika. Uzrok problema očito treba tražiti u samom početku, kreiranju liste kapitalnih projekata. Iako je lista usaglašena na Općinskom vijeću, Predsjedavajući ističe kako su Općinski načelnik i Razvojna agencija samo delegirali projekte koje trebalo potvrditi.

Predsjedavajući: Nikada nas nisu obavijestili koji su to projekti za koji su se oni opredjelili, i ja kao Predsjedavajući nemam informaciju koji su to projekti koji negdje kvalifikovani.

Građanin: Ovako istupanje određenih političkih pratija na terenu je zaista dovelo do konfuzije.

Novinar: Građani kojima infrastruktura treba da im olakša život ne mogu vjerovati da se političke stranke ne mogu dogovoriti o raspodjeli novca koji već imaju na računu. Kako bi tek gradili puteve na dobroit građana kada bi novac morale namicati same a ne od poreznih obveznika.

Ovo je izvorni tekst objavljenog priloga o utrošku sredstava sa privatizacijskog računa – ESCROW ZeDo kantona za projekte



području općine Tešanj. Ne znam šta su mogli zaključiti gledaoci koji su gledali, ali po reakcijama koje su došle do mene neki su stekli utisak da je nerad u Tešnju zbog političkih stranaka. A šta su činjenice u ovom slučaju?

Netačne i nejasne konstatacije iz priloga:

Više infrastrukturnih projekata u opštini Tešanj, u vrijednosti dvjesto tisuća maraka, nalaze se u nečijim ladicama – **NETAČNO!**
Činjenica: **Nijedan projekat iz ovog slučaja se ne nalazi u ladicama nego u proceduri!**

Neke političke stranke se ne mogu dogovoriti o raspodjeli sredstava – **NETAČNO**
Činjenica: **u ovom slučaju se ne dogovaraju stranke o raspodjeli sredstava, nego se provodi zakonom predviđena procedura o utrošku odobrenih sredstava za navedene projekte.**

Nije mi jasno da dođu pare a da neko neće da ih utroši. – **NETAČNO**
Činjenica: **Nijedna KM nije došla u budžet Općine Tešanj, niti se ova sredstva uplaćuju Općini.**

Ja kao Predsjedavajući nemam informaciju koji su to projekti koji negdje kvalifikovani – **NEJASNO**
Činjenica: **13.05.2010. godine na službenoj web strani Općine Tešanj objavljeni projekti koje je Općinski načelnik kandidovao, a kasnije i na sjednicama OV-a iznio (izvod iz zapisnika sa 19. sjednice od 30.06.2010. godine "a na drugo pitanje vezane za ESCROW sredstva iz privatizacijskog Fonda, iz kojih je po odluci Skupštine i Vlade ZDK općini Tešanj trebalo pripasti 710.000,00 KM, između ostalog, Načelnik je odgovorio da je vezano za realizaciju ovih sredstava, 27.01.2010. godine dobio dopis od ministra Nermina Mandre da u roku do 02.02.2010. godine dostavi prijedlog projekata iz oblasti regionalnih puteva i lokalnih cesta... da je na sjednici Vijeća od 30. marta potvrđena šira lista kapitalnih projekata i nakon pomenute odluke Vlade ZDK o odobravanju pomenutih sredstava općini Tešanj, Općina je bila spremna krenuti u realizaciju ovih projekata, što je 13. maja objavljeno na web stranici Općine nakon obilaska terena...")**

Građani kojima infrastruktura treba da im olakša život ne mogu vjerovati da se političke stranke ne mogu dogovoriti o raspodjeli novca koji već imaju na računu - **NEJASNO**
Činjenica: **političke stranke se u ovom slučaju i ne dogovaraju, nego neko (Rukovodstvo Stranke za BiH) dezinformiše građane na terenu, a to su eto prihvatili i neki mediji.**






Ko god ima dilemu oko istine, može se uvjeriti u cijeli postuipak, koji je potpuno dokumentovan.



- LC 2: Projektat rekonstrukcije i asfaltiranja puta Bobare-Entitetska granica Križ;
- LC 16: Projektat proširenja, rekonstrukcije i modernizacije dijela lokalne ceste
- LC-16 Tešanj-Medakovo-Tešanjka na dionici od „Toplane“ do „Enkera“ u Bukvi-II faza L-500 m (TRAKA, BUKVA);
- LC 11: Projektat rekonstrukcije i asfaltiranja puta Kalabica kamen-Zelenika;
- LC 8: Projektat rekonstrukcije i asfaltiranje puta Marin Han –Tešanj - Raduša;
- LC 10 : Projektat rekonstrukcije i asfaltiranje puta Tešanj - Tešanjka;
- LC 7: Projektat rekonstrukcije i asfaltiranje puta Tešanj – Raduša-Jevadžije-Jelah;
- LC 5 : Projektat rekonstrukcije i asfaltiranje puta Tešanj – Raduša-P otočani;
- LC 15: Džamija Kraševo - Tromeda.





-  Općina Tešanj je prema instrukciji Ministra prometa i komunikacija (27.01.2010.) predložila osam projekata (02.02.2010.)
-  Vlada ZDK je zaključkom utvrdila 15 (sedam mimo instrukcije Ministra i izvan prijedloga Općine Tešanj)
-  Od osam projekata iz područja lokalnih cesta:
1 - završen (sredstva GSM operatera)
7 – potpisani ugovori
-  Od sedam dodatnih koje je utvrdila Vlada (**prijedlozi stigli faxom iz kancelarije Stranke za BiH, 20.04.2010, broj:13/10**), projekti van prijedoga Općine:
2 - završena jer su već bili na općinskoj listi iz lokalnog budžeta (sredstva Općine, građana)
5 - u pripremi javna nabavka
-  Općina Tešanj bila spremna za javnu nabavku **13.05.2010** ali vaninstitucionalni prijedlozi su imali za posljedicu kretanje u javnu nabavku **02.08.2010**

27.01.2010. – sastanak u Ministarstvu: Ministar Mandra, Direktor Direkcije Rasim Kovač, Načelnik Fuad Šišić

02.02.2010: Dopis Ministarstva Općinskom načelniku o kandidovanju projekata (850.000,00 KM) sa jasnim uputstvom

05.02.2010: Odgovor Ministarstvu sa prijedlozima

14.04.2010. – sastanak u Ministarstvu: Rasim Kovač, Amir Huseinbašić (ESCROW sredstva prema ranijoj listi, lokalne ceste umanjeno 15% Skupština smanjila sredstva, općine provode tendersku proceduru, mogudi sporazumi na duži epriod ako ima više faza i druge tačke, dobivam info da nema sredstava za redovne kapitalne projekte u 2010. godini, samo završetak iz 2009. godine i njihovo pladanje)

12.05.2010: Zaključak Vlade ZDK, Općina Tešanj 710.000,00 KM, Odobrena sredstva de se koristiti u skladu sa Zaključkom Vlade kojim de se ovutrditi lista projekata a na način propisan odredbama člana 31. Zakona o izvršenju Budžeta ZDK)

13.05.2010: Općinski načelnik sa saradnicima obišao sve trase, objavljeno na web strani Općine Tešanj

20.05.2010: Općinski načelnik telefonski razgovara sa Direktorom Direkcije o početku javne nabavke, i dobiva ima problema

26.05.2010: Dopis Minsitru da se otkoči proces

10.06.2010: Pismena urganecija Općinskog načelnika Ministru jer ne odgovara, kopija Premijeru i Direktoruru Direkcije cesta

11.06.2010: Odgovor Ministra kako procjenjuje da prijedlozi ne mogu dobiti podršku većine ministara u Vladi (10: 4-sda, 4-sbih, 2-hdz+premijer-sda)

21.06.2010: sastanak Premijer, Ministar Mandra, Općinski načelnik. Ministar Mandra daje Općinskom načelniku kopiju faksa OO SBiH iz koga Općinski načelnik prvi puta vidi separatne prijedloge SBiH i u kojima ukazuje da su dva projekta već na općinskim listama u fazi realizacije (Aljići, Miljanovci, Dautovača, Dobropolje-Mekiš, saopćava se načelniku da će radi mira u Vladi biti donesen zaključak u kome će sredstva sa predloženih općinskih projekata biti umanjena za određen iznos i raspoređena na nove projekte kako bi dobila podršku Vlade, ali da će Vlada svojim zaključkom omogućiti da se predloženi općinski projekti mogu većim dijelom realizirati)

22.06.2010: zaključak Vlade Lista projekata + Zaključak Vlade o ovlaštenju ministrima i općinskim načelnicima zaprimljen u Općini

25.06.2010 (obaveza realizacije je na Direkciji cesta, Ministarstvu finansija i općinama)

20.07.2010: Protokol između Direkcije cesta i Općine Tešanj, Općinski načelnik potpisao isti dan

27.07.2010: Dostavljen Službenom glasniku zahtjev za Javnu nabavku, prva faza

02.08.2010: Službeni glasnik BiH broj 62/10 od 02.08.2010; Rekonstrukcija i izgradnja javnih cesta na području općine Tešanj (ESCROW sredstva) – I faza

03.09.2010: IV.6. ROK ZA PRIJEM PONUDA/ZAHTJEVA ZA UČEŠĆE (zakonski rok)

13.09.2010: Dopis Ministru za preusmjeravanje sredstva po pristiglim ponudama na gornjem tenderu



01.10.2010 i 04.10.2010: Obnovljeni dopisi Ministru jer nije bilo odgovora, kontakti stalni sa Direktorom Rasimom Kovač
03.11.2010: Potpisani ugovori za prvu grupu projekata
12.11.2010: Pripremljeni prijedlozi aneksa ugovora Direkciji cesta za tri projekta iz druge grupe jer su već urađeni iz drugih izvora, i prijedlog postupka javne nabavke – druga faza, prema listi po Zaključku Vlade ZDK.

DIMNJAK TUNELSKPE PEĆI

Općinski načelnik nije dao saglasnost za rušenje

U povodu rušenja dimnjaka u krugu IGM "Usora" Jelah, Općinski načelnik iskazuje solidarnost u svoje ime i u ime Općine Tešanj sa svima onima kojima je ovaj industrijski objekat postao određen simbol.

Općinska administracija nije primila zahtjev niti izdala bilo kakav dokument o rušenju, a niti je prethodno upoznata sa posljednjim aktivnostima na rušenju dimnjaka.

Nakon Odluke Komisije za očuvanje nacionalnih spomenika Bosne i Hercegovine od 18. maja 2009. godine o odbijanju prijedloga da se dimnjak tunelske peći u krugu tvornice IGM "Usora" d.d. u Jelahu, općina Tešanj proglasi nacionalnim spomenikom, nije bila upućena nijedna inicijativa o nekom drugačijem statusu ovog objekta a niti je ijedna politička stranka sličnu inicijativu pokretala pred Općinskim vijećem.

Hronologija aktivnosti:

06.10.2005 – Dopisom Općine Tešanj MZ Jelah upućena na podnošenja zahtjeva za proglašenjem dimnjaka spomenikom
31.01.2007 – Skupštine MZ Jelah obavještava Općinu Tešanj da se ne daje saglasnot za rušenje dimnjaka dok se ne pristupi izmjeni dijela Urbanističkog plana "Jelah" i ne provede kvalitetna rasprava
27.07.2007 – IGM "Usora" se obraća zahtjevom Ministarstvu obrazovanja, nauke i kulture FBiH u pogledu statusa dimnjaka
08.04.2008: Javne rasprave, MZ Jelah traži da dimnjak ostane
09.04.2008: IGM "Usora" traži da se dimnjak ukloni
28.05.2008: Općinsko vijeće donosi izmjenu Urbanističkog reda Jelah, lokalitet Ciglane, u kome se dimnjak ne predviđa
07.06.2008: IGM "Usora" insistira da se dimnjak ukloni
29.10.2008: JOM, Jelah pokreće inicijativu za proglašenjem nacionalnim spomenikom Dimnjaka tunelske peći
13.11.2008: Komisija za očuvanje nacionalnih spomenika BiH traži podatke od Općine Tešanj
26.11.2008: Općina Tešanj dostavlja sve tražene podatke
18.05.2009: Odluka o odbijanju inicijative Komisije za očuvanje nacionalnih spomenika BiH
05.11.2010: Nenajavljeno rušenje dimnjaka od strane IGM "Usora"

Vjernicima, pripadnicima Islama

**BAJRAM ŠERIF
MUBAREK OLSUN!**

Gradanima općine Tešanj, kao i cijele Bosne i Hercegovine čestitam

**25. NOVEMBAR
DAN DRŽAVNOSTI
Bosne i Hercegovine!**



PRED ĆATIĆEVIM MEZAROM

*Isti je nišan nad nama
samo je tvoj bolji svijet*

Amir Brka

Općinski načelnik
Fuad Šišić

